



Selasa, 02 Agustus 2023

Ogen : Amos 2:6-3:2



Mengkik-engkik bagi kereta



Mungkin pernah si idah patung ntah gambar dewi keadilan. I bas legenda Junani ia igelari Dewi Themis, adi bas Romawi ia igelari Dewi Iustitia (sendalanan ras kata Inggris, Justice). Gambarna kerna sekalak diberu, tanna sada nagangi pedang, sada nari nagangi timbangan alu mata si itutup alu kain. Timbangan menyimbolken kerna cara mengukur pembelaan ras perlawanan i bas sada kasus. Pedang menyimbolken kekuatan guna menghukum. Janah si pentingna e me mata si tertutup, keadilan seadil-adilna sebab kerina jelma seri i mata hukum.

I bas ogenta sendah teridah lanai lit keadilan ije. Uga bangsa Israel ngelakoken dosa arah ia ndayaken kalak si rutang jadi budak, iperjakina kalak si la ergegeh, rate-ate man budak diberu, bagepe lanai atena megiken Kata Dibata nari alu maksa nabi-nabi lanai ngerana kerna Kata Tuhan. Si ngerina si ngelakoken si bage eme kalak-kalak si akrab nandangi ritus keagamaan. Emaka ukumen Dibata man bana eme, idehken Dibata bangsa Israel ku taneh piahna mengkik-engkik bagi gereta si dem isin page. Ngatakensa maka bangsa e pagi nderkuh, serko, mengkak-engkak erkiteken mbuesa si nindihsa e me serangan i bas bangsa-bangsa sideban nari. Amin bage gia Dibata tetap ngingetkensa man bangsaNa e erkelangken Amos uga kerna pengarak-ngarakNa arah Mesir nari ku taneh Kanaan. Selaku kalak si tek man Tuhan, tentu labo terjeng kesalehan pribadinta ngenca si pegegehi. Tapi arus nge sendalanan ras kesalahan sosial, uga kita erbahan si mehuli ras adil nandangi kalak ibas situasi ekonomi ras sosial si terpinggirken.

